

Preiļu rajons
GAIŠVĒLĒ
Izdevums

ZEMĪTURS

LATGOLAS NŪVODA NEDEĻAS LAIKKROKSTS

Nr. 21 (109)

1997. GODA 13. JUŅŠ

CENA 5 SANTIMI

ALBERTS BUDŽE, PRĀVESTS DAŽŪS TEIKUMŪS

24. majā pēcpušdinē kardināla J. Vaivoda nomā pulcējās svāteclīnīki, kuri apriņķi apmeklēja Izraelu, pīsadalēja J. E. metropolīts J. Pujats, izteice pīzeimes par svāteclējuma reikōšonu. Veiskups A. Justs kavējōs atmiņōs par šū nūtykumu, klōtasūši aplyukōja fotografējas. Sarunas ritēja pi bogōteigi klōta kafejas golda, par kū beja pasaryupējuši poši daleibniki.

Par Jeruzalemē un tōs apkaimē aizvadeitājōm dīnom vēļ runōja tēļniks Vasiļjevs, pulkvedis Vectirāns, dekāns A. Buliņš, prīsteri J. Aglonietis, J. Budkāns un A. Budže.

Nōkamō tikšōnōs 12. un 13. jūli byus Aglyunā, kur demonstrēs TV veikumu — filmāts tyka vysu svāteclējumu laiku.

Vabōles pogostā turpynōjās

Skryndu dzymtas muzeja reikōtō kulturvēsturiskō akceja «Solys krysts». Pavysam te sasaglobōjuši 25 ceļu krysti un akceja lyka sasaryseit Vabōles dzeivōtōjim, pi kuru mōjom voi kuru sādžōs stōv šaidi krysti. Vairōkumā tagad sakūpti, izdailōta ari apkōrtne.

Akceja varātu byut par īrūsmi ari cytim rajonim.

J. E. veiskups J. Bulis izpīldēja ticeigū vēlēšōnūs un lobprōt atļōve reizi mēnesi svātū Misi celebrēt Vectilžas skūlā — šei apdzeivōtō vīta ir 8 kilometrus nu bazneicas, ticeigi, seviški vacōka godagōjuma cylvāki, svātdīnōs navar nūkliut uz Tilžu, jo autobusi nakursej. Pymais dīvkolpōjums nūtyka 6. jūni plkst. 9.00.

Rēzeknē, Jezus Sirds katedralē 25. majā I svātū Komuneju pījēme ap 200 bārnu, vacōki un cyti pīdareigi kūpā ar veiskupu J. Buli jūs atvēlēja Dīvmōtes gōdeibai. Svātū Komuneju bārnim izdalēja pats veiskups.

JŪLIJS TRŪPS JUBILEJAS DŌRZS

Malnovas Iļauksaimnīceibas tehnikuma audzēkni lykuši lītā 1932. goda absolventa, Iedžēnu augļu kūku selekcionara Aleksandra Maiziša dōvonu — istōdeits gondreiz 100 ōbeleišu lels dōrzs. Tys byus lelyska pīmiņa mōceibu istōdes 75 godu jubilejā.

SPRIDZEKLI NAATRODA

Mōceibu goda beigōs slynkōki skūlāni dažaidi ceptēs izavairēt nu zynōšonu pōrbaudem. 19. majā Rēzeknes 2. vydusskūlā bārni vairōkas stuņdes jautri pavadēja ōrā, jo āka beja jōatstōj pēc telefona zvona ar breidynōjumu par spridzekli. Zemessorgi tū gon na-

atroda. Šūpavas ar taidis pats nūtykums skūlānus īprīcynōja, bet pedagogos satrauce ari pīlsātas 1. vydusskūlā.

DIVKŌRŠA JUBILEJA

Rēzeknes pīlsātas kulturas nōms šūgod pīdzeivōj dīvas jubilejas — 70. nu ceļšōnas un 50. pēc atjaunōšōnas. Atcerei vēļteits daudz sareikōjumu. Naseņ vōrdū deve teatrim un koncertim, skateitōjus smīdynōja vītejō tautas teatra pymīzrōde — Jōņa Jaunsudrabeņa luga «Ansis Auns». Beja plašs koncerts, vēļteits dorba veteranim, prūtams, ari kulturas darbinīkim.

Rēzeknes Augstskūlas studenti teatrali skateitōjim vērtējumam sovukōrt nūdavuši Veltas Krīles «Osoru» izrōdi.

KONKURSS

«CEĻŠ LAUKU SĀTĀ»

Šū konkursu organizēj Latvejas Kulturas fonds, laikroksts «Naatkareigō Reita Avīze» un Latvejas Zemņiku savīneiba, vērtēšōnas komisejā ir pazeistamais dzejniks Imants Ziedonis. NRA redaktora bīdrs un rakstniks Eriks Hānbergs un pazeistamais radiožurnālists un politiskais darbinīks Aivars Berkis. Uzvarātōjim leidztakus tradicionālajōm bolvom apšuleita ari Latvejas ceļu byuvātōju materialō paleidzeiba.

Konkursā teik vārtāts ceļa ireikōšōnas īguldeitais dorbs, rōdeitōji, ceļmolas apstōdējumi, laukums mašynu nūvitōšōnai, bet kai pamatnūteikums vysam — skaisti ikōrtōta un uzturāta lauku sāta.

Zīņas sytamas LZS birojam Reigā, Republikas laukumā 2, tōļr. 7323628, 7027163 Skaidrītei voi Līgai, un laikrokstam «Naatkareigō Reita Avīze» Erikam Hānbergam.

Myužeibas rots grīžas napōrtraukti un Vareigais latgaļu dareitōjus aicynoj pi sevis muižeigai atpyutai pēc cisšonom un napīpīldeitom dzeives īcerem — tai 1977. godā žurnala «Dzeive» 134. numerī rakstēja Odums Kaļņits. J. Soms myužeibā aizgōja 1976. goda 16. decembrī, bet dzyma 1907. goda 17. jūni Kolupes pogosta Stērnū mōjōs. Beja skūlōtōjs, audzynōtōjs, redaktors un daudzu rokstu autors par kulturāli sabīdriskajim vaicōjumim, aktīvs leidzstrōdnīks žurnālūs «Straume» un «Zīdīnis», avīzēs «Latgolas Vōrds» un «Jaunais Vōrds». Beja entuziasts, pylns goreiga spēka, nūsivārtuma, apzīneigs sovas tautas dvēseles tulks un tautas grybas izsaceitōjs caur rokstim.

1941. godā 14. jūni deportāts, izcīte dryumūs godu nostu, zaudēja veseleibu, bet na goreigū spēku. Šū goreigū spēku paturēja leidz pošai nōvei. Vēļ 1975. goda februārī, byudams jau smogi slyms, pikolts pi naspējnika gultas republikas kliniskajā slimnīcā Reigā, kur pīcas nedēļas dzeiveibas uzturēšōnai napīcīšāmōs bareibas vīlas uzjēme ar zondi, na bez optimisma rakstēja vēstules draugim un pazeistamajim, vēlējōs, lai jī paastōsta tū, kas nūteik latgaļu rakstnīceibā...

Attālūs: Jōņs Soms 1975. goda decembrī; tymā pošā godā ar dzeivesbīdreni Helenu, meitu Silviju un dālu Verneru.



ĀDOLFS BŌRBALS ĪVĀROJAMŪ GAĻĀNĪTI PĪMYNŪT

3. jūli pait jubilejas godi, kai Gaļānu pogosta Bryškōs pīdzyma pedagogs, publicists un sabīdriskais darbinīks Pīters Priževoits. Jō dzeives gaitas izabēdize 1968. goda 1. jūli Amerikas Savīnōtajōs Valstīs, apbēdēits Indianopolē.

P. Priževoits dzyma 1907. godā, auga zemņika giminē, bet pymō pasaulja kara jukas aizvede uz Krīveju, kur Pīters ari sōce sovas skūlas gaitas. Pēc atsagrīšōnas Latvejā 1920. godā Priževoiti uz dzeivi apsamete Rēzeknē, kur Pīters 1927. godā beidze vydusskūlu, pēc tam isatōja Latvejas Universitatē, kuru absolvēja 1935. godā ar matematikas magistra grādu. Strōdōja par skūlōtōju Aglyunas gimnazējā, bet pēc Dr. A. Broka arestēšōnas 1941. goda 30. decembrī īcalts par gimnazējas direktoru. Gon baigajā godā pēc boļševiku okupacejas, gon vōcu okupacejas varas laikā P. Priževoita darbeibas apstōkli Aglyunā bejuši sarežgeiti un smogi.


Pēc izceļōšōnas uz Vōceju P. Priževoits sōkumā strōdōja kara ryupnōicā, bet nu 1945. goda par matematikas skūlōtōju latvišu

gimnazējā. Uz ASV gimine pōrsacele 1949. godā, kur Pīters strōdōja kai inženers fizikis lelā uzjumumā, ar augstu atbīldeibas sajyutu veikdams pīnōkumus. Latvišu emigracejas apryndōs vārtāts kai pīrkšzeimeigs katōjš un latgalīts, kurs augstu cinējis dzymtū volūdu un tāvu tradīcejas, pīkūpdams tōs sovā giminē.

Izvodūt P. Priževoitu pādeja gaitā 29 godus atpakaļ, dzīli izjustu runu turējis jō dorba bīdrs un draugs nu Aglyunas laikim Dr. Stanislavs Škutāns nu Čikāgas, ari bejušais dorba koleģis profesors Leonards Latkovskis. Nu aizgōjēja atsavodūt, literats Konstantīns Krusts sacējis jō trejim dālim — Evaldam, Konradam un Antonijam: «Jyus patišam varat byut lepni, ka jyusim bejis taidis tāvs!» Kūpā ar dālym svešumā palyka dzeivesbīdre Iva, jauneibas uzvōrdā Zeile, kura ogrōk strōdōja par skūlōtōju Aglyunas sešklaseigajā pamatskūlā.

Dimžāl, četrus godus vēļōk, 1972. goda 26. oktobrī, pošus spēku un brīduma godūs, tragiski bījā gōja dāls, spējeigais un talanteigais gleznōtōjs Evalds Priževoits. Dzimis 1937. goda 5. augustā un mōksla beja jō aicynōjums un vīneigō sirdslīta, sekmeigi organizējis gleznu personalīstōdi, daudzas nu tōm veidōjis pēc Latgolas skotim un motivim. Mōkslinīkam palyka dzeivesbīdre Elizabete — mōkslas pīrkšmatu skūlōtōja.

GORU SALAUZT NAVARĒJA JŌNA SOMA ATCEREI



HRONIKA

7. jūni 70 godu jubileja Baltīnovas pogostā dzymušajam medicīnas zynōtnu Dr. kirurgam Vīlim Pūrmalim (1927). Nu 1969. goda ir Reigas Medicīnas instituta pasnēdžējs, profesors (1974).

8. jūni pymrs 90 godim lubōnišu izceļōtōju giminē Moskovā dzimis klavīrspēles pedagogs Jōņs Ūstīs (1907—1977). Pēc Latvejas Konservatorejas beigšōnas strōdōja Rēzeknes Tautas konservatorejā, vēļōk muzykas vydusskūlā (1936—1977), skūlōtōju institūtā (leidz 1944. g.), beja muzykas skūlas direktors (1949—1959), regulāri pīsadaleja koncertūs.

17. jūni pymrs 90 godim Kolupes pogostā dzimis publicists un skūlōtōjs Jōņs Soms (1907—1976), 1941. goda 14. jūni deportāts, Sibīrejā pavadejis 16 godus.

TĀVU ZEMES KALENDARS

3. jūni (1892) dzimis Latgolas filmu «Tā zeme ir mūsu» un «Latgale dzīvās gleznās» uzjīmšōnas vadeitōjs Jōņs Zakis.

4. jūni Daugavpīlī dzimis karikatūrists autodidakts Gunars Bērziņš (1927).

5. jūni (1947) Varšavā miris geologs, ceļōtōjs, profesors Kārlis Bogdanovičs, dzimis 1864. goda 29. novembrī Ludzā.

15. jūni (1977) autokatastrofā Bolvu rajonā tragiski gōja bījā kōrdīrigents, republikas nūpalnym bogōtais mōkslas darbinīks Stanislavs Broks, dzimis 1929. goda 10. janvarī Rēzeknes aprīnka Drycānu pogosta Semuļu sādžā.

17. jūni (1942) Ardavas dzeļceļstacijā gōja bījā žurnālists, dzejniks, rakstniks Vincents Mickāns. Dzimis 1913. goda 29. septembrī Rēzeknes aprīnka Bēržgales pogostā.

Sastōdēja
Viktors TROJANOVSKIS



KAUNATAS IZSTŌŽU ATSKAŅAS

31. majā Kaunatas pogostā (Rēzeknes rajons) tautas nōms otkon pulcynōja mōkslas cīneitōjus nu tōlines un tyvīnes, jo te beja sareikōta vairōku izstōžu (Jōņa Igovena gleznas, Pītera Gleizdana grafika, Latgolas Kulturas centra izdevnīceibas grōmōtas un cytas) slēgšōna, dorbu un gaitas iztyržōšōna.

Attālūs, kū «īmyužynōjuse» Regina Igovena, radzama dzejneicas un laikroksta «Latgales Laiks» redaktōres Annas Rancānes uzastōšōna; keramikas izstōdes daleibnika Viktora Ūšpeļa dorbi.

